




Projet promovût di 'La Vôs dai Furlans' e 'ARLeF'



Cu la muraille des formis al è ce divertîsi!  
Ma ocjo che ogni Numarut al à une posizion ben  
precise di rispjetâ... tra formis strambis e matucelis.

Cjalìn insieme la pontade di  
I Numaruts "In buine forme" su



Lu saveviso  
che...?

A Tarcint e tai paîs des  
Valadis de Tor e je la  
tradizion, une vore sintude,  
dai Tomâts. A son mascarîs  
carateristichis dal Carnevâl,  
intaiadis tal len dal tei, dal  
olnâr e dal vencjâr. I mascarârs  
(chei che a preparin i Tomâts)  
ju personalizìn cun colôrs e  
cun espressions strambis. Tes  
mascaradis ator pal paîs i tomâts  
a metin in sene i "strîts", o ben  
senutis di ridi par fevelâ in  
maniere ironiche di personaçs e  
fats dal paîs e dal mont.



## Piture il dissen



## cumò fâs tu!

Cjale ben chest dissen e rispuint:  
trops paiaçs àno lis scarpis  
rossis? Trops àno lis tiracjis e  
trops invezit la la pavee?



Soluzioni: 3; 1; 2

Ridi  
a plene  
panze!

Cemût si cognossial une fantasime plene di frêr?  
Invezit di un bleon si à metût sù une cuvierde di lane!

Pagine curade  
dal Sportel Regionâl  
pe Lenghe Furlane de



Vuelistu tornâ  
a viodi lis pontadis  
di Maman!? **Cirilîs su**



ANCJE  
'ON DEMAND'  
SU telefriuli

Cjale lis gnovis  
pontadis su  
**telefriuli**

Vinars aes 18.30  
e in repliche domenie  
aes 7.00 e aes 13.00

## STELIS E LUSIGNIS Noa



**Roc.** Lis stelis ti dan  
un biel sburt tai  
afârs di bêçs, tu âs di  
aprofitâ ançe parcè  
che l'air al zire.



**Gjambar.** La invidie  
e je une brute bestie,  
soredut se tu le  
puartis viers cui che ti  
vûl ben.



**Belance.** No tu rivis a  
durmî par un probleme  
che al sta par rivâ,  
ma no pierdi il sium ti  
judarâ a frontâlu miôr.



**Bec di mont.** Finis di  
pensâ che tu rivis a  
otignî dut, al è miôr  
contentâsi di dulâ che  
tu rivis, che al è za tant.



**Taur.** Chestis zornadis  
ti platin plui di une  
sorpresa, soredut  
tai rapuarts cu lis  
personis.



**Leon.** Cualchi zornade  
tu sês svearin, cualchi  
altre indurmidît, cjate  
une vie di mieç.



**Sgarpion.** ITimp  
indaûr tu âs semenât  
une vore ben e cumò  
e je ore di cjapâ sù i  
risultâts.



**Agarûl.** Tu âs di sclarîti  
miôr cuntun ami, che  
nol à capît ben parcè  
che tu ti compuartis  
cussi.



**Zimui.** Cualchidun al  
cîr di fâti inçopedâ, tu  
âs di moviti prime che  
si inacuarzedi di jessi  
scuviert.



**Vergjine.** Tu âs  
pôre che i bêçs no  
ti bastedin, ma se  
tu stâs daûr dal to  
program no tu âs di  
vê pôre di nuie.



**Sagjitari.** Sul lavôr tu  
sês une fuarce e ducj ti  
amirin, ma la tô famee  
e merete ançe il to  
timp.



**Pes.** Tu âs salt tal  
cjâf un pinsîr che ti  
fâs rabiâ, ma cussi  
il probleme no tu lu  
disberdeis.

